

**UDRUŽENJE POSLODAVACA FEDERACIJE BOSNE I HERCEGOVINE
GRUPACIJA POSLODAVACA TUZLANSKOG KANTONA
UPRAVNI ODBOR**

IZVOD IZ ZAPISNIKA

Sa sjednoce Upravnog odbora Grupacije poslodavaca Tuzlanskog kantona pri Udruženju poslodavaca Federacije Bosne i Hercegovine (GP TK pri UPFBiH) održanoj dana 10.02.2017. godine sa početkom u 14:00 sati u prostorijama privrednog društva Alfe mi Živinice.

Prisutni: Mirza Ordagić, Željko Mandić, Samir Fočak, Eldin Hadžibegović, Adem Hanić, Željko Babić, Zlatko Berbić, Šahsudin Salihović, Samir Hadžić, Faik Beganović i Ramiz Karić.

Odsutni: Osman Tukić, Šefik Močić, Munever Čerčić, i Sead Džafić.

Pored članova upravnog odbora GP TK pri UPFBiH sjednici su prisustvovali:

1. Mensur Alić, predsjednik Skupštine GP TK pri UPFBiH,
2. Imamović Izet, član UO UPFBiH ispred GP TK pri UPFBiH,
3. Nurdin Peštalić, član UO UPFBiH ispred GP TK pri UPFBiH,
4. Adnan Samilbegović, predsjednik UO UPFBiH, i
5. Mladen Pandurević, direktor UPFBiH.

Za sjednicu je predložen slijedeći

DNEVNI RED

1. Usvajanje zapisnika sa prethodne sjednice UO GP TK pri UPFBiH,
2. Pokretanje inicijative kod nadležnih tijela Tuzlanskog kantona za izmjene i dopune Zakona o šumama,
3. Pokretanje inicijative kod UPFBiH i ESV za teritoriju FBiH za izmjene i dopune Zakona o zdravstvenom osiguranju FBiH,
4. Informacija u vezi sa aktivnostima vođenim za udruživanje GP TK pri UPFBiH i UP TK i zauzimanje stavova u vezi sa tim,
5. Razno
 - 5.1 Informacija u vezi održavanja godišnje redovne i svečane Skupštine UPFBiH posvećene 15-to godišnjici rada,
 - 5.2 Posljedice po privredne subjekte sa područja FBiH provođenjem stečajnog postupka nad Tuš-om,
 - 5.3 Informacija u vezi sa inicijativom kompanije Violeta za saradnjom i druženjem sa privrednim subjektima sa područja TK,

5.4 Pokretanje inicijative za ocjenu ustavnosti odredaba Zakona o računovodstvu i reviziji u FBiH.

Dnevni red uz definisanje podtačaka u tački razno jednoglasno je usvojen.

AD 1.

Zapisnik sa prethodne sjednice UO GP TK pri UPFBiH je jednoglasno usvojen.

AD 2.

Članovi UO GP TK pri UPFBiH su po ovoj tački dobili pisani materijal sa tabelom iz koje je vidljivo kako i na koji način su emitovane obaveze zvane „naknada za općekorisne funkcije šuma“. Po ovoj tački skoro svi učesnici uzeli su učešća u raspravi. Nakon provedene rasprave doneseni su slijedeći zaključci:

1. Tabelu treba ažurirati tabelu i inicijativu na dan 10.02.2017. godine
2. **Ukoliko najavljeni Zakon o šumama na području TK bude tretirao ovu problematiku na isti ili sličan način ili ako ne bude izvjesno njegovo brzo donošenje, treba neizostavno pokrenuti inicijativu prema nadležnim tijelima Tuzlanskog kantona.**

AD 3.

Članovi UO GP TK pri UPFBiH su dobili materijale za ovu tačku dnevnog reda iz koje je nesporno vidljivo da poslodavci sa sjedištem na području FBiH nisu u stanju da provedu odredbe Zakona o zdravstvenom osiguranju u FBiH a koje su definisane u članu 81. stav 2. navedenog zakona iz razloga što na tržištu FBiH ne mogu kupiti proizvod zvani reosiguranje. Konstatovano je takođe da se ovaj zakon primjenjuje selektivno u zavisnosti od kantona do kantona ali i unutar jednog kantona u zavisnosti od općine do općine. Takođe je konstatovano da poslodavci, tamo gdje se zakon primjenjuje, trpe ogromne štete koje su nametnute odredbama člana 58. [obaveza isplate naknade plaće zbog povrede na radu od strane pravnih lica (poslodavaca) sve dok osiguranik nije radno sposoban] i člana 81. stav 2. [koji propisuje obavezu pravnim licima (poslodavcima) da su obavezna da se reosiguraju za rizike definisane u stavu 1. ovog člana (obaveze iz člana 36)]

Po ovoj tački provedene je cjelovita rasprava uz učešće svih prisutnih. G. Mladen Pandurević je informisao prisutne da je već jednom pokretana ova inicijativa ali nažalost neuspješno.

I pored te činjenice donesen je jednoglasan zaključak da će ova problematika ponovo aktuelizirati. G. Adnan Smailbegović obećao je da će se ova problematika staviti na dnevni red prve sjednice ESV za teritoriju FBiH koja će biti održana nakon 27.02.2017. godine. Konačan prijedlog će utvrditi stručne službe UPFBiH.

AD 4.

O aktivnostima vođenim za udruživanje GP TK pri UPFBiH i Udruženja poslodavaca Tuzlanskog kantona, do momenta zakazivanja skupštine, prisutne su iscrpno informisali g. Ramiz Karić i g. Mensur Alić. Nakon rasprave doneseni su slijedeći zaključci:

1. Da su prethodno vođene aktivnosti vođene izvan normativnih akata UPFBiH,
2. Da postoji opći konceptus za jedinstveno djelovanje poslodavaca ne samo na području Tuzlanskog kantona nego i šire,
3. Da ne postoje administrativne prepreke, u skladu sa postojećim aktima, da se organi i tijela GP TK pri UPFBiH dopune sa predstavnicima Udruženja poslodavaca TK,
4. Formira se radna grupa u sastavu: Željko Mandić, Šefik Močić, Mensur Alić i Ramiz Karić da hitno sjedu sa predstavnicima Udruženja poslodavaca TK u vezi sa iznalaženjem rješenja ove problematike, u skladu sa normativnoim aktima, a sve u cilju stvaranja uslova za nesmetano jedinstveno djelovanje na spram vlasti u TK.
5. UO GP TK pri UPFBiH odredio je platformu na osnovu koje se organi i tijela GP TK pri UPFBiH mogu dopuniti sa maksimalno 3-5 predstavnika ispred Udruženja poslodavaca TK.

AD 5.

5.1 Prisutni sjednici su, od strane g. Mladena Pandurevića, informisani da će se (okvirni termin 11.04.2017. godine) održati redovna godišnja sjednica i svečana sjednica Skupštine u povodu 15-to godišnjice Udruženja poslodavaca FBiH te je u vezi sa tim potrebno da GP TK delegira 8 kandidata za redovnu skupštinu i da bi bilo poželjno da svečanoj sjednici prisustvuje do 25 predstavnika poslodavaca sa područja TK. Donesen je zaključak da će se u skladu sa Poslovníkom ova obaveza uraditi u nadolazećem vremenu.

5.2 G. Mensur Alić prisutne je informisao o velikim potraživanjima ne samo države BiH nego i poslodavaca sa prostora cijele BiH od strane Slovenačkog Tuš-a koji je u stečaju. Tokom diskusije bilo je riječi i o pozivanju građana na bojkot kupovine proizvoda porijeklom iz Slovenije. Konstatovano je da za takvu mjeru potrebna analiza šta bi se sa njom dobilo a šta izgubilo. **Nakon provedene rasprave usvojen je zaključak da UPFBiH još jednom kod nadležnih tijela FBiH, BiH i kod Slovenačke ambasade pokrene aktivnosti u cilju ublažavanja nastalih šteta prije svega po poslodavce.**

5.3 G. Berbić Zlatko prisutne je informisao da je tokom saradnje sa firmim Violeta izrazio spremnost g. Petra Čorluke da organizuje saradnju i druženje poslodavaca sa ovog područja sa poslodavcima Tuzlanskog kantona. Takođe su prisutni informisani od strane g. Zlatka Berbića o pripremama održavanja značajnog skupa poslodavaca sa područja BiH u organizaciji Udruženja poslodavaca općine Gračanica.

5.4 Konstatovano je da su revizorski izvještaji čista formalnost, da revizorske kuće za rezultate svoga rada (revizorskog izvještaja) nemaju nikakve odgovornosti i da su tarife revizorskih usluga (zahvaljujući zakonskim postavkama) izuzetno visoke.

Polazeći od činjenice da je Zakon o računovodstvu i reviziji u FBiH na mala vrata dao legalitet Tarifi enormno visokih revizorskih usluga usvojen je zaključak da UPFBiH, putem svojih kanala, pokrene ocjenu ustavnosti odredaba ovog zakona.

Sjednica je završena u 16:30 sati.

Tuzla, 13.02.2017. godine

Predsjednik UO



Ramiz Karić